

O IRMARDIRO

PERIÓDICO GALEGO

ORGANO DA IRMANDADE GALEGUISTA DO URUGUAY

Año I. Dirección y Administración: PIEDRAS, 411. Montevideo, Xulio de 1935. Núm. 5.

VERDAS D'UN ARREDISTA

Irmáns! Rubamos o cume
desatracando o camiño,
e botémos máis do lume
onde non chegue o fúbreiro!

Todo pra nosa Galiza,
por de todas as virtudes;
pra sedenta da xusticia,
ferida de escravitudes!

Namentras o sangue vibra
en bellos corazóns...
A esperanza de vel-a libra
este berro! Redención!

Xuremos!
"Dereito ou torto,
"sin máis alcuño ni achego,
"doente ou sán, vivo ou morto,
"Galego... ¡Soio galego!"

Rapón Caballitas.

DO PARTIDO GALEGUISTA A OS GALEGOS DO URUGUAY

Respondendo a noso requerimento, o irmán Gómez Román, no seu nome y en representación do Partido Galeguista, do cal e Segretario Xeral, envíounos o agarimoso saúdo adicado a coteividade, que publicamos máis abaixo.

Moito agradecemos a tan esforzado paladín da causa galega as

suas patreotecas verbas, e o retribuírlle o seu cordial saúdo, facemoslle chegar d' nosa íntimo desexo de que, isa esperanza galega que é o devandito Partido Galeguista, sexa axiña, pra ben da terra, a anseada realidade que dara a Galiza diadas de gloria.

¡Adiante, irmáns! ¡"A Nosa Terra e Nosa"!

O troque de Réxime na Hespaña crebou a costra da uniformidade que a monarquía formou para asentar os seus privilexios e poínderon xurdir as xestas inxentes das diversas nacionalidades que debaixo d-aquela parescian mortas.

Na nosa terra soou o berro de liberdade e a da sementeira dos nosos precursores xurdiu ergueita a frol do galeguismo pedindo plaza para intervir con pleno dereito na reconstrucción nazonal.

Ninguén mais que nós pode erguer esta bandeira e ao facelo tratamo de que chegue a todol-os currunchos da Terra e a todas partes onde haxa homes que sintan a dignidade de seren galegos a chamada para que se dispoñan a nos axudar no esforzo que a Patria nos pide a todos.

Mais n-un afán necesario de efectividade consideramos que unha laboura nosa, illada, sera estéril i-é por eso que a nosa acción ha de ser combinada coa de todos os españoles que sexan capaces de comprensión e sexan fondamente republicáns. Felizmente a soleira d-esta colaboración está sentada e comenzada xa a construcción do frente das forzas que reconhecendo os nosos anceios fán declaración expresa de defendelos e axudalos en todo intre deica a súa total consecución.

Este frente está integrado por diversas forzas políticas que en Galicia actúan con pleno agarimo para o Partido Galeguista e para o que éste representa na vida política e social de Galicia. Tanto no que atingue a súa reconstrucción espiritual de senso nacionalista como no que se refire a súa liberdade autonómica permitida e amparada pola Constitución da República.

Esta é en síntese a nosa orientación no intre presente. Engadindo a elo que os grupos galeguistas non somentes son cada día mais sinón que mais ategados de forte e patriótico entusiasmo que fai concebir a seguridade do trunfo.

Con un saúdo fondo e cordial en nome propio e do Partido Galeguista para vosté e para os irmáns que en terras lonxanas sinten o mesmo pensamento noso e laboura polo mes omidal de redención galega, ofrécese seu e da Causa.

M. GOMEZ ROMAN, Segretario Xeral.



Este Día de Galicia, para nós fermoso e ledo, se non pode demarcar na fermosura e na ledicia. En col das campias verdecentes e das nosas cibdades pasan as badeladas da festa. Pobóanse de xentes os vellos camiños das pelerinaxes e unha emoción galega ruba do fondo da alma. Esa emoción que esperta a lembranza vivente dos mortos amados e das xeneracións que labouraron a Terra, traballaron a lingoa, confiaron unhas as outras a lampada acesa da galeguidade.

Hexe cando no ámpido sagro de Cospostela resoan todas as cantigas da montana e da beiramar, cando a historia e a paisaxe, as grandes arelanzas e as cousiñas humildes e cotiáns adquiren a categoría de belidos e parladores símbolos, nosa festa debe ser de paz e de amor. Para todos. Incruso para os desleigados e para os indiferentes. Pois a nosa xenerosa alegría de galegos ten dereito a pensar que aínda n-éles vive baixo a cinza da indiferencia un pouco de fogo do espírito.

Máis mañán a loita ha començar

de novo, con máis pulo, sin folgo. ¿Qué sería de Galicia si os galeguistas non loitáramos?

Sería o que queren os inimigos a Galicia e ésa grea, amorfa, mol, indiferente, dixestiva e vexetativa dos vencidos. Sería un probe montón de provincias hespañolas con catro monifates ao frente e a co-

media da vida oficial desenrolando unhas parcas esceas sobor do telón griseiro a terra escrava. Sería un refugallo da historia, unha paisaxe de ruiñas a vergoña do histrión o roncar do porco na palla ou a farsa no casinete vilego. Coido que éstas dúas derradeiras comparanzas pódense reducir a

unha: a derradeira, para lle facer un pouco de honor aos porcos.

Namentras os galeguistas loiten, habrá pol-o menos esperanza da Galicia. No Día da Terra noso primeiro deber ten de ser a grave determinación de loitar con máis forza. I-esa forza non ven aos galeguistas sinón do fondo do seu espírito, das esencias da alma galega.

Pois ela, en todo tempo vivente aunque as veces semelle adormiñada, inspira as arelanzas galeguistas consecuentes con si mesmas por riba-das circunstancias dos tempos.

Si algunha vegada o Galeguismo poidera adequerir unha forma contraria ao ser de Galicia e a responsabilidade do seu futuro, esa sería apenas a tradución en galego de un partido central.

Cada Festa do Apóstol, cada Día da Galicia, ha ofercere a paz a todol-os galegos de boa vontade; ha de fortalecer a laboura da redención do eido contra todo e contra todos. Co sentimento sereo da justicia e da verdade. Coa seguranza posta na nosa xeneración. Terra Nosa.

R. Otero Pedrayo.

NO DIA DE GALICIA

Una vegada máis, o noso Día de festa maior, sorpréndenos en plena actividad en prol de co ideal galeguista, guerro da nosa actividade desintetizada e patreoteco, chegue a atopar na conciencia e no corazón de todol-os galegos do Uruguay a preocupación e quentura con que nosoutros, mozos cheos de saudade e boas intencións, iniciamos e seguimos esta laboura de espallamento das nosas cousas, brindándolle a Terra Nai o que temos de máis valor: o noso espírito e as hoxas de liberdade de que dispoñemos na loita polo conquero do alimento cotidiano.

I ese pequeno esforzo que adicamos a causa galega, antorcha que alumia o noso camiño, percisa o estímulo e axuda de

todol-os irmáns galegos que, como nosoutros e os meirantes homes que traballan en Galicia, sintan, nesta hora de reivindicacións que vivimos, a necesidade de c'a terra da qual son nados, deixe de sere unha filla esmiñada e maltrada pol-s suas irmáns ibéricas, pra converterse na moza garrida e chea de beleza con ca sua situación topográfica a dotou, i-os homes ca gobernan desde Madrid, lle negan. Ei a obriga de todol-os galegos que se teñan por "bós e xenerosos".

Ei a nosa laboura chea moitas veces de sacrificios, que no teu Día, Terra Nai, ofrendámoscha dende estas terras d'América, berrando con toda a nosa forza ::Os tempos son chegados".

O PASAR

Temos de facer algunhas acraciós sobor da noso ideal galeguista a quenes, colocados nun plano de internacionalistas de esquerda, ven no nosa labourea patreótica unha liña de conducta máis ou menos separatista, e a critican sin estudiala e, o que máis tristeiro, sin comprendela.

Non somos separatistas. Somos galegos. Somos humanos e, por selo, acougamos que Galicia precisa gozar ampriamente do belo contido espiritual e materiae d'esa máxica verba. E, pra que elo sexa un feito real, mester e ca nosa Terra conquira a liberdade de traballar, administrarse e pensare por seu e non por quenes non-entenden. Nese senso e que desenrolamos a nosa labourea, pensando que Galicia forma parte do concerto de nacionalidades mundiaes e que irmán de todol-os pobos do mundo. Non unha irmán cativa como a ven os ollos internacionalistas dos que nos critican sin pensare en Bélxica, Suíza, Holanda e outras tantas nacións que, si son pequenas en territorio e habitantes son, non embargantes, moi grandes e fortes na súa potencialidade de povos ceibes que viven polos seu medio, sin precisare que os seus fillos teñan de emigrare a outras terras en procura de gañar o pan pra alimentarse, como nos pasa os galegos pol-a razón simple da trabazón cō desenrolo das nosas actividades industriales e comerciais, se lle pon dende Madrí.

Argumentaran os internacionalista ca culpa e do pobo galego que non recrama o que e séu. Nós, decimoslle que nōn. A culpa e da organización do Estado Hespañol que ten espallado en Galicia moitos centos d'homens que, por vivir as costas d'esa organización, importalles rēn dos surfimentos materiaes dos que labran as terras e os esprituas dos que, pol-a culpa do sistema de goberno, temos de buscure na emigración o noso sustento, o que non sucedería si a Galicia se lle dase ampria libetá pra administrarse por sí. Pensen os internacionalistas que cos cartos que temos que enviar a Madrí ano tras ano, pra manter e soster ise carc sistema de goberno, invertidos nas necesidades que dende fai moitisimos anos recrama Galicia, tería hoxe a nosa terra unha industria e comercio florecente, que non tēn aitalmente, a pesare de pagar por elo. E o ben estar e engrandecemento d'un pobo está, percisamente, basado nesas actividades. Vaia iste botón pra mostra: hai mais de trinta anos que está profeitado o ferrocarril central galego e, hastra d'agora, non está feito. Si Galicia houbera tido esa libetade adeiministrativa de que falamos, seguros estamos que fai

moito tempo que xa estaría feito o dito ferrocarril. E, d'estas cousas, háinas a montós.

Xa ven os nosos amigos internacionalistas que non pensamos ca cativetez mental dos patrioteiros que somentes reparan na súa persoa, sin preocuparse da felicidade dos seus irmáns de raza. Nosoutros queremos o máisimun pra todol-os galegos, coas mesmas arelas cō desexamos pra todol-os habitantes do mundo. Entendemos que todo ser human ten dereito a vivir

dranto da maor comodidá e igoal, ausolutamente igoal, cas crases que hoxe gozan d'ese privilexio, pol-o súa condizón de homes que viven explotando o traballo e o sudor dos máis.

Ei queda acrarado o noso pensamento de habitantes do mundo e cidadans galegos. Respeuto o idioma, outra cantinela dos internacionalistas, falaremos no próximo número. A tiranía do espacio obriganos a terminiar acó este interesante tema.

Labourea desenrolada pol'o Consello Executivo da Irmandade Galeguista

O nacer a idea da fundación da Irmandade, publicouse un manifesto, eispicando a finalidade que se perseguía e facendo un chamado a todol-os galegos as nosas fias, o que se repartiu i espallouse pol-a radio.

Co motivo da morte lo esgrevio galego doctor Salvador Cabeza de León, mandouse un telegrama de pésame o Seminario de Estudos Galegos, do que era fundador e presidente.

Un dos primeiros trabalos a que se abocou o Consello Provisorio, foi o estudo e confección d'uns estatutos, e unha vegada feitos fíxose un chamado a sambreia xeral, na que foron discutidos e apoboados, elixindo dempois a mesma asamblea, o Consello Executivo pol'o término d'un ano.

Desexando intensificar o coñecemento da nosa patria, solicitáronse o Patrimonio N. de Turismo en Galiza afiches, cartés e folletos de porpaganda. O Patronato da Cruña remiteu unha cantidade de folletos d'isa cibdade, que foron distribuídos.

Pra festexar o Día de Galiza do ano 1934 organizouse unha hora na radio Internacional na que os membros do Consello Executivo dirixiron a verba os radio-escoitas, e a señora María Dopico de Vázquez Anido executou un programa de música galega.

Seguidamente organizouse o primeiro xantar de confraternidade galega, o que asistiron 250 persoas e representación de total-as sociedades galegas exornas da capital. Mandaron telegramas de adeusión, a Organización N. R. Galega, Sociedade N. Pondal de Bos Aires e o paisano Sr. F. Ron, de Melo.

Visto que eiqui no Uruguay non se atopaban a venda libros galegos, e desexando este Consello a maor difusión posibel dos nosos vaores culturaes i o mesmo tempo a costumar os nosos paisanos a ler libros galegos, solicitáronse a Editorial Nos, de Sant-Iago, exemplares de todo o editado, os que foron postos a venda con moto éisito tendo en conta o pouco coñecemento que da nosa produción literaria se tiña.

Foi preocupación da "Irmandade", manterse en contaio espiritual con total-as sociedades galegas d'Am-rica que

loitan pol'a libetade da NOSA TERRA.

A medida dos nosos recurros, editouse o periódico soceal O IRMANDINO o que foi distribuído nesta cibdade e mandado a Arxentina, Cuba e Galiza.

Con motivo da data da morte do primeiro martir das libetades galegas, Pardo de Cela, organizouse unha velada, a que resultou un verdadeiro éisito, e pol-a que iste Consello recibiu moitas felicitaciós.

A iniciativa da "Irmandade", e respondendo a un chamado feito dende Galiza, organizouse un comité de sociedades galegas pra xuntar fondos pro moimento a erguerse o inmortente bar do D. Edoardo Pondal co motivo do centenario do seu nacemento, en Ponteceso (Cruña).

Por xestíós feitas ant-o Intendente de Montevideo, conseguíuse que se lle dese a unha rúa d'ista cibdade, o nome de Eduardo Pondal, como homaxe o noso mais outo cantor, no centenario do seu nacemento. Homaxe iste, que foi moi ben recibido pol-os galegos do mundo enteiro, e obriga a unha deuda de gratitude co's autoridades d'este país que tan ben souperon interpretar o noso pedido.

Pra festexar o Día de Galiza d'iste ano, realizáronse dous aitos publicos, os que constituiron dos éisitos pra causa galeguista. Primeiro realizouse unha velada artistico-literaria no salón do Centro Galego, consistente n-unha conferencia a cárrego do destacado galeguista irman Rodolfo Prada, quen recibiu moitas felicitaciós, pol-o outo valor literario da súa conferencia, e cuio texto o Consello Executivo, mandou improntar nun folleto pra sere espallado. Tamén tiveron destacada aituación difrentes paisanos que prestaron a súa axuda en números de canto e recitados. O día seguinte foi feito un xantar o que asistiron representación de total-as sociedades galegas e unha concurrencia de mais de 200 persoas.

Eiqui queda espoto en poucas liñas, o mais destacado da modesta labourea galeguista realizada pol-o Consello Executivo n'iste primeiro ano da fundación da "Irmandade Galeguista do Uruguay".

Libros Galegos a venda na Irmandade Galeguista

NOVELAS

R. Otero Pedrayo:	
Os Señores da Terra	\$ 0.85
O Estudante	" 0.85
A Maorazga	" 0.70
Arredor de si	" 0.70
A Romeiría de Xelmirez	" 2.40
Fira Vernerio	" 0.85
Castelao:	
Os Dous de Sempre	" 2.40
G. López Abente:	
Vaosilveiro	" 0.85
Aurelio Ribalta:	
O Derradeiro Amore	" 0.70
Xosé Lesta Meis:	
Abellas de Ouro	" 1.40

POESIA

M. Leiras Pulpeiro:	
Obras completas	" 1.05
Mangel Antonio	
De Catro a Catro	" 0.50
Lois Amado Carballo:	
O Galo	" 1.00
G. López Abente:	
Nemancos	" 0.85
R. Blanco Torres:	
Orballo da Media Noite	" 0.70
Xesús San Luis Romero:	
A volta do Bergantiñán	" 0.20
Euxenio Montes:	
Versos a Tres Cás o Neto	" 1.05
R. Carballo Calero:	
O silencio Axionllado	" 1.05
Vieiros	" 0.70
Augusto M. Casas:	
O Vento Segrel	" 0.85
Alvaro Cunqueiro:	
Mar a o Norde	" 0.85
M. Luis Acuña:	
Firgoas	" 1.05
Delgado Surriarán:	
Bebadeira	" 0.70

TEATRO

Vicente Risco:	
O Bufon d'el Rei	" 0.30
A. Villar Ponte:	
Triptico teatral	" 1.05
Os Evanxeos da Risa Absoluta	" 1.70
Maira Rosa	" 0.40
Alvaro de las Casas:	
A Morte de Lord Stailler	" 0.40
Pancho de Rábade	" 0.30
Tres Conversas	" 0.35
Matria	" 0.35
Nouturnia de medo e de morte	" 0.85
Rafael Dieste:	
A Fiestra Valdeira	" 0.85
R. Otero Pedrayo:	
A Lagarada	" 0.30
Armando Cotarelo:	
Beira Mar	" 0.50
Mcurenza	" 0.30

DE VIAXE

Vicente Risco:	
Mitteleuropa	" 2.00
Pelerinaxe	" 1.70

VARIA

50 Homes por dez reas	" 0.85
Courses	" 1.70
Retrincos	" 0.85
Ricardo Carballal:	
De Min pra Vos	" 0.35
Camilo Díaz:	
Conto de Guerra	" 0.70
Ken Keirades:	
Contiños da Terra	" 1.05
A Cotarelo Vallador:	
Cancioeiro da Aguila	" 0.85
R. Otero Pedrayo:	
Contos do amño e da Rua	" 0.70
R. Blanco Torres:	
De Esto y de lo Otro	" 1.40
Romanticismo, Saudade, Sentimento da Raza e da Terra en Pastor Díaz, Rosalia de Castro e Pondal. (Discurso de Ingreso na Academia Galega de Ramón Otero Pedrayo, coa contestación do Académico Vicente Risco)	" 0.85

OPORTO "DOM LUIZ"

VINO OPORTO LEGITIMO

Importadores: Valentín Martínez & Cía.

MISIONES N.º 1373

U. T. E. 8-20 66

O día de Galiza, foi diñamente celebrado pol-a Irmandade Galeguista

Unha velada artístico-literaria, e un gran xantar de confraternidade Galega

O día 20 de Xulio, no salón e aíto do Centro Galego, cedido xentilmente pol-a Comisión Directiva d'ísa entidade, reaizouse a velada artística-literaria orgaizada pol-a "Irmandade Galeguista, pra conmemorar a nosa festa mor: o Día de Galiza.

Diu comenzo o aito co Hino Galego, executado pol-a orquesta, o que foi escoitado de pé pol-a concurrencia, e o final, unha salva d'aplausos afogou as derradeiras notas da nosa canción patria. . . .

Logo, o Segretario de Propaganda irman M. Meilán, fixo en poucas pro sentidas verbas, a presentación do conferencista Sr. Rodolfo Prada, agradecendo o seu desinteresado concurso prestado o locimento d'íste aito, o mesmo que a Orgaización N. R. Galega de Bos Aires, da que e vicepresidente.

Aíto seguido, ocupo a triu-a o señor, Rodolfo Prada, e dempois de agradecer as verbas do irman Meilán, entróu de cheo no estudo a fondo dos problemas "En col da nosa Galiza"—tidou da conferencia—co que demostrou ter un amplo coñecemento, e-cujo estrato omitimos, por haberse resolto editalc, atendendo moitos pedidos feitos n'ese senso. Si o Sr. Rodolfo Prada non fora d'abondo coñecido nas fias do galeguismo, esa mañifica peza de outo contido literario, era d'abondo meritória, pra consagralo como un dos que millor coñecen os problemas da nosa terra.

A numerosa concurrencia que enchia o salón, premiou con repetidas ovacións a disertación do señor R. Prada.

A parte artística.—Tamen foi brillante a parte artística do aito. O barítono Sr. Pedro Eiroa, cantou "Negra Sombra" e "O Consolo", con isa vos, e'ese gusto, qui-l pon pra todo o que sexa galego, vendose a insistentes pedidos, na obriga de repetir varias cancións do seu repertorio.

A xentil señorita Matilde Mayan, recitou manificamente "A Castañeira de Santiago" e "As Cartas" de Curros Enríquez; os que tiveron unha interprete maxistral, como eisi o entendeu o público que a ovacinou longamente.

O tenor galego Sr. R. López Porto, cantou con vos melodiosa "Un Adiós a Mariquiña" e "As lixeiras anduriñas". Debemos destacar que o Sr. López Porto, foi ista a primeira vegada que se presentou ant'o público do Uruguay. A pesare de non alcontrarse moi ben de saúde, deixou unha excelente impresión das suas dotes vocaes.

Como pensa al muller galera

Día de Galicia

Vintecinco de Xulio, Día de Santiago, día de recordos grandes para a nosa Terra. Hoxe toda Galicia ferve de xúbilo ante a fermosa festa do Santo Patrón, en todol-os peitos resoa a ledicia das meigas e doces cantigas dos nosos pais, a natureza vístese coas milleres galas para festexar o Día Grande, nos beizos dos bós galegos bailan, e sentir a dozura da nosa gaita, as surrisas máis feiteceiras.

N-este día todos nós debemos botar unha ollada as nosas concencias e ver si como galegos cumprimos coa obriga que temos pra unha nai tan garimosa doce, como é Galicia.

Eu coído que temos moito que chorar ao ver como deixamos que os inimigos d-ela, entre eles moitos fillos, a aldraxen, a pisoteen e vaian apretando cada vez más ao redor da súa gorxa as cadeas con que a queren afogar.

Si todol-os galegos quixeran decatarse da situación angustiosa en

quese a topa Galicia, hoxe, no Día Grande como un soio home xurían leitar por ela con toal-as forzas deica rachar esas cadeas, e que d-esa loita xurda unha Galicia libre de aldraxes e da cal serán res-

Os xornaes uruguaios na nosa festa patrea

Iste ano, ademais das festas orgaizadas pol-a "Irmandade", foi moi ben recibido por todol-os galegos d'íste pais, a lembranza agarimosa que tiveron pra nosa terra os xornaes d'ísta cidade "El Debate" e "El Pueblo". O primeiro publicou un suplemento extraordinario, no que colaboraron os mals destacados galeguistas d'ambas veiras do Prata, e un escolleito material gráfico. O segundo, adicou varias páxinas a reflexar a labora da colectividade galega eisi como tamén, varios artigos de destacados esquireiros galegos.

O IRMANDINO retribue o agarimoso saúdo que nos adicaron, e agradece tan sinxelo recordo a nosa terra galega.

Domingo Pérez Márquez, o aitor compatriota, recitou "Meu Carriño" de Cabanillas, cuíos acentos rebeldes puxo ben de manifesto Pérez Márquez foi ovacionado, moi merecidamente.

Outro que non podía faltar, e o irman Camilo Bóveda Amor, quen cantou "Tangaraños" moi ben. No monólogo "Os Catro Tuneles", foi moi festexado pol-a concurrencia.

Cerróu o aito a señorita Mayán, recitando os versos da nosa di-viña Rosalía, "Adios ríos, Adios fontes", ditos con tal emoción, que mais d'un ollos encheronse de vágoas, cómos da señorita Mayán.

Debemos tamén destacar, que ista poetisa galega, anque ampriamente coñecida no ambiente intelectual d'íste pais, e a primeira vegada que se presenta n'un festival galego, debendoselle a nosa "Irmandade", o que haxa empezado a sentire inquedanzas galeguistas.

Merece párrafo aparte, a señora María Dopico de Vázquez Anido, pol-o seu valioso concurso prestado n'ísta festa o acompañar, o piano, os cantantes que tomaron parte na mesma. E ben coñecido por todos o entusiasmo que pon Doña María—como agarimosamente lle chamamos—cando de honrar a Galiza se trata.

O Xantar.—O domingo 21 de Xulio, a 13 horas, no amplo salón do Parque Hotel, tendemol-o noso brancal de festa arredor do que tomaron asento non menos de 200 persoas, mulleres e homes. Na cabeceira da mesa, sentóuse o Sr. Rodolfo Prada, como invitado de honor, tendo a sua dreita, a poetisa galega señorita Matilde Mayán, e a esquerda, a señorita Lola Insúa, e señoritas: San Isidro, Insúa, Crestar, Faraldo e o Consello da "Irmandade" en preno.

Denantes d'escomenzar o xantar, cantou o Hino Galego o barítono Sr. Eiroa, acompañado pol-a orquesta. Foi escoitado de pé pol-os comensaes, e saudado c'unha sostida salva de aprausos.

O termiñar o xantar, o Segretario Xeral irman Leiras, pronunciou unhas verbas ofertando no altar da Patria Galega iste noso homaxe. Dempois, o Sr. Prada, ca sua verba alcendida, puxo unha nota d'emoción c'unha imaxen da nosa Galiza inesquecibel.

Tamen tiveron verbas de fondo galeguismo e amor a Terra, os señores: M. Sánchez, San Román, A. Calvo e Crestar, os que foron moi apraudidos.

Foron dous aitos cheos de emoción e de galeguidade, cuio recordo perdurará por motio tempo na memoria dos que concorriron a íles.

petados todol-os seus dereitos.

Deus queira que chegue pronto o Día Grande, outro Vintecinco de Xulio en que todos en pé poidamos cantar co poeta: "A nosa terra e nosa. ¡Viva Galicia ceibe!"

Mercedes do Campo.

Ourense, Xulio 1935.

A Festa Galega en Bos Aires


Con diversos aitos fui celebrada a festa de Galiza en Bos Aires. O Centro Galego, "Coro Ultreya" e Casa de Galicia, fixeron en varios teatros da veciña cidade, festexos de homaxe a Galiza que estiveron moi concurrecidos.

A Orgaización N. R. Galega, festexou a devandita data c'unha velada cultural e artística, pondo unha nota eisencialmente galega na galeguísima cidade que é Bos Aires.

Falaron o irmán Liño Pérez, presidente da nomeada entidade; Xosé M. González, Xosé R. de Vicente, e a esquireira e "charlista" galega, señorita María Teresa Ca-

sanova. A recitadora arxentina Gladys E. Forte recitou poesías de Rosalía e Cabanillas. O coro "Ultreya" e a "Polifónica Galega" fixeron escoitar diferentes cancións da nosa terra.

Tanto os oradores como as agrupacións artísticas, foron moi apraudidos pol-o seleuto público que enchia o Salón da "Casa de Galicia", donde se realizou dito aito.



Ribazo de Morazón
De penedos medoñentos
De triste recordazón.

onde a ardentía do mar
Nas noites de triste inverno
Non se cansa de bruar.

Dai-me o voso fero son
Para espertar os galegos
Que aínda teñen corazón.

M. LUGRIS FREIRE.

Galegos: Mercade libros esquiretos no noso idioma

Oriflama no día da Patria



Co amor a Galicia doéndonos no peito; coa carraxe patriótica ao recordo de tantos aldraxes, de tantas inxusticias coma foron alcantillando a nosa pelegrinaxe; coa lembranza da experiencia tristeira e a ledicia da fé inmorreidora, así imos os galeguistas pol-a ría emocional dunha Patria que perdera a súa gracia, a súa Historia, o seu latexo, a súa legría, a súa arte e a súa fartura, porque unha concepción imperialista da Soberanía estatal quixo rubr pol-a nosa perscalidade diferenciada, coma quixo despreciar a espléndida, rica e armónica variedade ibérica. Imos co evanxeo da Terra nos beizos e a ledicia dun cantar de rexurdimiento nas almas. Cara adiante. O porvir. Non importa que os croyos do lameiro nos margoen os pés, ni que os cans nos oubeen, dende os silvados de todol-os camiños. Unha lus, que vai outa, coma a estrela que alumeou os Reises da lenda ourental, é o noso guieiro. Unha vos, moi adentro, nos berra "¡adiante!" Despois, cando revoltan os ancs e os cabelos se xien de branco, si sobrevivimos a nosa obra, ollaremos como os centos de rapaces—xa homes—que hoxe nos siguen, serán milleiros, serán millóns. Galicia terá xa esto bien seo camiño. I-entón nós, a carón dos nosos fillos, a veira dos nosos netos, poderemos morrer tranquilos. Porque teremos ganada a gloria de que sexa, ao fin, nosa a Terra en que apodrezan, sadisfeitos de dobrarse na cova, úns corpos que xa non valían para a loita.

X. Alvarez Gallego.



A Autonomía, Camiño de Redención

¡Outro Día de Galicia! E a mesma angueira de sempre: a do con-querimento da autonomía para nos poñer no camiño da redención.

A autonomía é o medio para un fin. E o fin... confina c'o infinito com'o mar co ceo. Tódalas posibilidades de superación buligan no seu colo.

Alethora é incomprensíbel que haxa un só galego con folgos propios para o discurso que calesquer que señan as ideías que propofese deixe d'arelar a autonomía da súa terra.

Galicia sin autonomía non será endexamais un gran pobo; Galicia, autónoma, de contado poñeríase en camiño do ser.

¿Por qué? Porque d'aquela cantos problemas básicos nos afectan emprincipiarían por estudarse por todos e por preocupar a todos, por-

NOTAS NACIONALISTAS

Ollada esquemática sobor a Galicia Nova

Pra "O Irmandino"

Non queremos divagar no silencio e na soedade. Pómonos de peitos no cadro da fiestra. Esténdese diante de nós un vasto panorama que rexurde e agroma verdes inéditos. Ollamos pra Galicia, pra unha Galicia nova e lanzal que se busca a sí mesma. Hai orografía, vexetación, economía, agricultura e paisaxe que marcan unha peculiaridade asentada no marco dunha rexión xeográfica. Galicia ofrécenos cō ela clara e definida a súa nacionalidade. Podémola abrir, coma unha novela de Ramuz, por unha páxina calqueira. Igual dá. A gracia paisaxística, a diferencial condición xeográfica vai trazando—tiza nerviosa—o xeito de ser dun pobo no encerrado da nosa historia. Leva un foco de luz no peito que transcribe a frase de Scheler: "Somentes o que queira perderse por unha causa noble, sin medo ao que poida sucederlle; soio íse ganará o seu *eu* propio e xenuino, estraéndoo da mesma diviñidade, da mesma forza e pureza do bafo diviño.

O ímpetu creador da Patria galega dice nas fonduras montañas e frente ao mar da costa brava, a esencia e a espontaneidade dunha civilización ecuménica que eiquí—niste Fisterre—rumorosamente se forxou. E temos—debruzados nista fiestra de Galicia un pensamento prâ tradición. As aspiracións do noso clima ergen a testa na procura da alisiós boreás, namentras Castela gravita sobor do Sul, sobor das terras bárbaras do Prestexán, e Cataluña e Aragón sobor do mar Mediterráneo. Veñen os pelerínos da Galia e da Lombardía coa cabaza no lombo e o bordón na mán. E a política de tres reises fai avanzar a mán galega por derriba dos Pirineos. O Románico cristaiza sensacións que constitúen un fito de alento conmovedor nas fibras da arte.

Non se pode concretar nun resume desafiado o que é continuidade recreativa na laboura de reconfiguración nacional. Pero cal é o fenómeno esquemático, normativo, transcendental de Galicia? E aquela unidade política, económica e cultural con senso universalista que marcóu a técnica da nosa característica, personalidade. A independencia. A vida *a se* das patrias e das linguas. O fenómeno postmedieval que deliñou o Renacemento e no que radica a salvación dos pequenos pobos e a unidade dinámica porvisista da nova Europa. O nacionalismo que é soerguemento espiritual, historia e tradición. Pra gaxotte—ansia de rivalidade—é a contaminación dâ idea de Patria cō principio da democracia. Dô que resulta o dereito dos pobos a dispôr de s'í mesmos. Por iso nista crisis, que non é decadencia, das pequenas nacións, Galicia vai dando os alertas.

A concencia da historia, da tradición, é o perfilda política e da cultura que andamos a burilar no pregón de bronce do noso Rexurdimento. Política? Sí. Pro primeiro as bases dunha cultura que se recrea nos nomes máis puros e prestixiaídos dista hora solemne de Galicia. Ao marxe dos procedimentos políticos circunstanciales, está a ialma inmorredoira da Terra. O senso racial. O espírito autóctono que vibra nos sulcos recen abertos e nas sementes pródigas que se visluman. Novela. Poesía. Arte. Teatro. Ensaio, atópanse—ledicias fondas—conformando o soerguemento da nosa vitalidade. O traballo alenta as suas reivindicacións señeiras que haberá que realizar. Camiño pra conquerirlo é a axuda ao esforzo cotián. Prestarllo desintresadamente. Por todol-os meios. Mais que de ningún outro xeito, mercando e pagando todol-os libros e obras galegas.

Francisco F. Del Riego.

que a todos interesaría de maneira directa que ó sesolucionaren, solucionaríanse d'un xeito ou doutro. A concencia estriccta da vida en comunanza, rexida por gobernantes nosos cinguidos a unha responsabilidade case que familiar e palpabel, criaríaa a forza un senso político, un ar cidadán, ata nos

máis serodios conterrâneos. Os partidos políticos galegos por iso collerían, barudeza e densidade popular. E somentes de tal xeito a noxa pequena poboación urbana e a nosa grande poboación rural—campesina e marineira—vencellaríanse n'un ancelio común. Asin adequerida a concepción de unidade

xeográfica, histórica, económica, cultural, política e administrativa, sin a que Galicia nunca deixará de ser unha triste colonia con habitantes, o demáis—o de nos trocáremos axiña n'un país con cibdadans e n'un pobo co'a i-alma propia inflada pol-as arelas progresivas com'a vela d'un navío, viría por engadega, forzosa e fatalmente.

Haí quen dí que os galegos d'aquela—porque hoxe nom'os entendemos—tampouco nos entenderíamos; e que o caciquismo aumentaría. Pero, ¿o caciquismo actual pode ter superación? ¿Pode chegar a máis? Qué cousa hai entre nós que non sexa tributaria dos caciques? ¿E qué esperanza vedes de que o caciquismo acabe mentras alente o rexime centralizador actual? Este réxime é o que o fomenta. ¿Non abonda para o comprobáremos saber que todol-os nosos caciques son nemigos da autonomía e propensos a esgrimiren o argumento paradóxicamente curioso, de que con aquel réximen o caciquismo aumentaría? Pois se iso crén ¿cómo non son autonomistas ferventes? Non coidamos que ó raposo que gosta de chuchar galiñas se l'ocurrise nunca dēsexar a morte deto dal-as galiñas para que o número de raposos diminuíra "ipso facto". Ben saben eles que mentras a cabeza do poder áchase lonxe do seu campo d'aición poderán facer canto lles pete sin medo a responsabilidades, o mesmo que os gobernantes. Ben saben tamén que ourentado o poder ó pobo, radicándose en Galicia, trocaríanse eles de sópeto en brancos direitos e responsabeis. Entón os males de Galicia non poderían esfumárense n'unha lonxanía confusa de impunismo, coma hoxe socede. Hoxe vótase, un supoñer, unha lei en Madrid perxudicial para Galicia e os caciques con diciren que se laian d'ela e ata que traballaron para impedila fican en xeito céseque de de vítimas. Os deputados cuneros e de doada sustitución en caso necesario carregarán coa culpa, que axiñan se esquence. Pero que a cabeza do Poder estea antre nós; e que os seus integradores se poidan persoalizaren concretamente sempre, e d'aquela reaición do pobo, de total-as crases populares, según se lle governe ben ou mal, será súpeta. Entón viría instintamente a escolma dos millores; dos máis competentes e dos máis honrados. Entón a política de realidade criaríaa unha política europea. ¿Quén non se decata de esto?

Poi paréceme imposíbel que haxa un só galego que ature no discurso nemigo da autonomía. Porque a autonomía, por outra banda, é xeito seguro de creación. E todo espírito requintado arela crear posto que únicamente teñen algo de deuses os que desexan crearen.

Antón Villar Ponte.

Del libro "Poema en Catro Tempos"

TEMPORAL



—MEIA máquina! Aproa para o vento!

*Os cárdenos cabalos da surada
galgan no ceo gris.*

—Izade esa bacía! Andan os demos soltos!

*Os trallazos dos lóstregos fustigan
ás bestas da galerna.*

—Atai a maquinilla o cabo da vareta!

*Abñese o mar en turbillóns cinzosos
e renxen as coadernas cos planazos.*

—Coarta sueste! Dádeme esa roda!

*Os berros do patrón
afóganse na espuma alporizada.
As poutas dos curiscos
van cardando nas almas destemidas.
As borrallentas fousas atoladas
agárranse da man, adocidas
i-en faminto remuíño
ronda sinistra bailan agoirentas.*

*...catro mares arreo,
estoupan na coberta pol-a proa
i-en braeante rolar fuxen co-a presa.*

*... ainda se ollaron brazos
que no cumio dos soutsos galopantes
do borrallento mar,
aspaban un semáforo d'angustia.*

Vírxo do Carmen, Nai de mariñeiros!



EDUARDO BLANCO AMOR

Homaxe a Curros Enríquez na Cruña



Coincidindo ca conmemoración da nosa grande Diada e patrocinado pol-a vella Irmandade da Fala da Cruña, celebróuse ante o monumento que náyuella cibdade perpetua a súa memoria, un gran homaxe de eisaltación o noso e gromico poeta civil Curros Enríquez.

En curtos discursos, sinificados galeguistas glosaron a obra poética de Curros. Os intresantes temas e oradores foron os que sinalamos asíña:

Introito, Plácido R. Castro.
Curros e a elixión, Antón Vilar Ponte.

Curros e a Mocidade, del Riego.
Curros e o caciquismo, Xosé Núñez Búa.

Curros e o corpo de Galicia, Alejandro Bóveda.

Curros e os labregos, Anonso Castela.

Curros e a Emigración, Ramón Suárez Picallo.

Curros e as vilas galegas, Víctor Casas.

Curros precursor, Alvarez Gallego.

A vida de Curros, Otero Pedrayo.

Técnica poética de Curros, Ilesia Alvariño.

Curros e a Fala, Lúgris Freire.

Curros e a Cultura Galega do XIX, Sebastián González.

Curros e Galicia, Gómez Román.

Curros e o mar, Gonzalo López Abente.

Curros e a guerra civil, Carballo Calero.



O QUE DEBE SERE

Pra O IRMANDINO

A Galiza pra os galegos compreta e totalmente. Sen atenuacións e sen reservas. Limpa, de toda mediatización allea, de todo infruxo eistrano, atal e como é ou como debe sere. Soberán e señora de sí mesma. N-amistade fraterna e ate, si se quere, formando unha soia familia, un todo común pra determinadas custións, coás demáis nazonaliades ibéricas.

Pro ausolutamente dona e señora de sí mesma. prena i-efeutiva dispoñedora dos seus destinos en todo canto afeute de lonxe ou de perto á súa vida interna ao seu verdadeiro sere.

Isto, todo isto é o que soio pode se aceitare como indispensábel pra que a laboura viva da nazonalidade, hoxe coutada pol-a imposición e pol-a tiranía, poida donare aqueles óptimos, aqueles vizosos froitos que, de outro xeito se non poderían abrangueren e colleitaren. E decir, que pra que a Galiza sexa, e quen di a Galiza di outra calquera nacionalidade que no seu caso se atope, fáise absolutamente necesario o goce de unha liberdade prena en col da que se non proieten somas de limitación nen obstáculos que impidan o espallamento natural ate onde queipa.

Todo o que non sexa o devandito conduce irremediabelmente ao fracaso, a insolubilidade do probrema. E a medida que o tempo pase, a solución se fará cada vegada mais grave. Hoxe por hoxe aínda poden virse a acougaren tranquíos os desleigados, os nados pra escravos, os "imbéciles i-oscuros" que soio teñen a preocupación da súa andorga. Pro compre que non confien moito. Non hai tanto que soio-eramos unhos poucos os que sentíamos a magoa da patria encadeada. Ao pouco xa había ducias que sentían a mesma magoa. Hoxe xa hai milleiros... mañan a terra enteira s-erguerá pra seguire a mesma sorte que seguiron total-as patrias que se redimiron. I-entonces, ah! entonces, a Galiza ollará o seu día, o Día magno que xa non será anual como deica agora ven sendo, sinón que será continuo, por tere abranquido a patria o trunfo preno e a súa redenzón total.

Ramón Villar Ponte.

Viveiro, Xulio de 1935.

Verbas do momento

Que cada un pense o que queira. Para mín e para moitos, cecáis para os máis, o día de hoxe é un día de anseios de liberdade de toda crás.

A coincidencia da data poido e aínda pode producir confusión n-algúns. Pero hoxe máis que nunca a festa de hoxe é unha festa galega, auténticamente galega. E con isto fica dito que para Galicia o seu día, a súa data e de arelas de reconstrución integral. Tal como éla é.

Para os máis, unha festa integramente civil. Para os que teñen preocupacións de outro orde será o que eles queiran. Mais aínda así os que ademais de avencellala a outras cousas, de carácter espiritual, sinten a galegitude e vven ao día os anseios da Terra, a data de hoxe é unha diada patriótica.

Todolos pobos do mundo teñen o seu día nacional no que os homes de todas as ideas conviven e festejan a propia festa. Galicia sinalou o 25 de Julio. Podía ser outro día e ficaría igualmente consagrado. Pola nosa vontade, pola necesidade de consagrar a Terra un día no que os galegos adiquen a ela un día de haber sentimental.

A data está xa definitivamente consagrada. Ano trais anos aumentará a devoción popular polo día. O día de Galicia ten xa d'abondo popularidade para que poidamos dicir que a este respecto Galicia acadou a categoría que teñen os pobos que no calendario internacional de festas patrióticas teñen a súa sinalada. Para si e para o resto dos demais.

Este ano Galicia non goza da necesaria tranquilidade espiritual e material para celebrar con ledicia o seu día. Pensan sobordela angurias poderosas de todo orde.

Falla de liberdade; fame no agro e no mar, as dúas fontes de riqueza galega; bochorno e inxusticia na gobernación dos seus intereses e das súas institucións democráticas; inqueda espiritual motivada por ideas, mais ben intereses, que aquí foron importados; desacougo de carácter político pola situación en que se atopa a política hespañola da que a nosa aínda é desgraciadamente tributaria engrad o desesperante.

Máis o día de hoxe tanto é de festa como de esperanza. E si a festa non pode ter expansión ledicia a esperanza si. Con ela por bandeira e con firmeza no traballo teñamos fé e loitemos. Que o ano vindeiro a esperanza deixe camiño á ledicia para festexar íntegramente o noso día.

Victor Casas.

Seis Poemas Galegos do gran Poeta Andaluz F. García Lorca

O gran poeta andalus-pirmerio antio-s poetas xovens da Hespaña actual Federico García Lorca, enviou a editorial "Nos" de Santiago, seis velidos poemas escurtos en galego, pra sere publicados o Día de Galiza. O insigne autor de "Romancero Gitano", "Bodas de Sangre, e "Yerma" quer ofrendar a Galiza na súa diada Maior, iste esquisito homaxe do seu inxenio.

Boa leución pra caterva mesta de desleigados e analfabetos, que consideran-o galego como dialecto

Neste morno solpór xacobeo, cando os sinos do Obradoiro espallan na campia beiral —sempre húmida de orballos e saudades— o seu meigo salaio de inmortalidade, eu —que tantas veces en datas semellantes lembri sempre unha lonxanía de anseios— lembro agora aqueles amigos e irmáns, —sangue do meu sangue, balbordo o mais apaixonado do meu corazón —que lonxe de nós, pol-os presídios da Hespaña, choran morriñas dondas acedadas na fel de todas as inxusticias.

Señan pra eles, que arestora es-

ROSALÍA

Fixo cincuenta anos neste mes que Rosalía de Castro, a nosa Santa Rosalía, como a deñomina o pobo galego, pechou os ollos no seu lar de Padrón (Cruña).

Cincoenta anos, e aínda Galiza non conseguiu o ben que tan escelsa poetisa recadaba pra Terra dos seus amores e das suas inquedanzas. Pro, cós seus versos enchidos de unión patreótica, Rosalía sementou entr'a xeneración que está en marcha, o ideal galeguista que haberá de transformar o noso chan galego nun pobo ceibe de todas as tutelas alleas.

Eisí c'entenden todas as mulleres e homes galegos que, fideles as ensinanzas e anseios de tan meirante muller, esforzándose por conquistar pra Galiza o que a nosa Santa lle inspiraba os seus magníficos poemas e cantares: a redención da terra que tanto amou.

O cumprirse medio sigro da súa chorada morte aínda Galiza non deixou de sere escrava.

Máis, os que gardamos no fondo da nosa alma os seus desexos, ollamos pro porvir con fé e seguridade en que habremos de dar cumprimento a patreótica herencia que nos legou.

Todo pola Terra. Gloria a Rosalía.

de xentes baixas, nun alarde de mimetismo suicida e canalla!

Levan como prólogo un comentario do poeta e crítico d'Arte E. lanco Amor como eloxio e gratitud pra García Lorca. E van de epílogo unhas liñas tamén en galego, do propio García Lorca.

A Editorial "Nos" a que o ano pasado no Día de Galiza, dou a publicidade catro dos nosos millores libros sacará iste ano a "plquette" do gran poeta andaluz, con todo bon gusto e luxo. Un regalo mais dos moitos que "Nos" leva feitos a nosa cultura vernácula da que é o pirmerio paladín.

Publicacións recibidas

"A Fouce", "Opinion Galeguista" de Bos Aires; "Heraldo de Galicia" e "Ecos de Galicia", da Habana (Cuba); "Ser", "El Emigrado" e "A Nosa Terra", de Galiza.

Santiago e Liberdade

da ningunha cantidade para continuar as obras.

Dos oito millóns que habéa consignados nos derradeiros trimestres ficaron reducidos a catro por Guerra del Río. Agora esgotados xa o Ministro cedista de Obras Públicas no seu célebre proieto, que xa é lei, contra o paro forzoso non consinou non un céntimo.

Mais de seis milleiros de traballadores ficarán parados. Riva das ecusas tráxicas que pensan subor de Galicia, ésta máis.

Temos esgotados xa o repertorio de argumentos para poñer diante dos ollos dos máis cegos o trato que Galicia recibe dos gobernos de Madrid. Mais o repertorio de inxusticias, para os tales gobernos, é inesgotabel.

Aí está a mostra. O novo aldraxe vendirectamente das dereitas que tanto prometeron.

Agardamos que os galegos convénzanse algún día a forza de recibir aldraxes semellantes.

O Partido Sindicalista e a autonomía de Galiza

Do proieto de programa e bases pra súa situación vindeira, persenta o bloque d'Esquerdas de Santiago o Partido Sindicalista, publicamos a parte que se refer o problema d'autonomía de Galiza. Di eise:

Inmediatamente, no caso de triunfo electoral a favor das esquerdas, estabrecerase por espresa vontade dos partidos republicanos componentes d'iste bloque co'a colaboración directa e responsabel dos partidos de crase que queiran acetalá e apoiados polos que non'a aceiten dende a oposición, a autonomía política e administrativa de Galiza, pra cuio efecto constituirase unha xunta democrática sobor d'unha base proporcional das forzas representadas por cada partido no seo d'iste bloque, o cal cumprirá sen vacilacións iste ouxetivo dandolle forma constitutiva a unha cámara federal autonoma galega. Posteriormente seguiranse os trámites que a Constitución determina pra normalizare e estabrecere as relacións xurídicas e federativas co Goberno da República. Caso d'un resultado electoral relativo que impida a execución d'iste pran, estabrecerase a mais estreita solidariedade (sen perder de vista iste ouxetivo) pra defendere os intereses moraes e materiaes do conxunto federativo da nación.

Alvaro Das Casas

O noso ferrocarril

As obras do camino de ferro A Cruña-Zamora vanse a paralizar totalmente dentro de poucos días. A razón e sinxela e incruzo natural.

No presuposto non hai consina-

VERBAS DE CHUMBO

por CASTELAO

Encol dunha "Dereita Galeguista"

Nos cidos da República abrollan todol-os vicios da monarquía. A poda doudles vitalidade. O caciquismo e a inxistia inzan as terras hispánicas.

Hoxe asesinan a un rapaz (o meu primeiro amigo de Badaxoz) que por defender as reivindicacións dos traballadores, co ardimento inexperto da súa moedade, morre a mans dunha cria do caciquismo reverdecido.

Onte intervén a Delegación do Traballo para evitar que os ricos terratenentes negocien coa fame dos campesiños, pois xa se estaban pagando xornales de tres pesetas a homes que non atopan ocupación máis que nos cincenta días da sega. ¡Trinta pesos para todo o ano!

¿Qué é isto? ¿Onde teñen a conciencia eses homes que andaban a falar de sentimentos feridos? ¿Qué fan os verdadeiros cristiáns para outar as ambicións dos poderosos?

Eu creo que ningún galeguista por arredado que se atope de nós, concordará coas forzas reaccionarias que campan agora por Hespaña adiante. Creo que ningún galeguista pode sentir a necesidade dunha caracterización dereitista nestes intres de guerra incivil.

E no correo de hoxe recibo un manifesto político, armanzado con enxeñosos artificios de lingaxe, para disculpar unha posición ilexítima dentro do noso campo. Trátase nada menos que de crear unha "Dereita Galeguista" laozando a irmandade dos "bós e xenéxosos" cando máis reza debe ser a súa compenetración.

Pois ben; quero que sepan os firmantes do manifesto, e todos cantos acuden á súa chamada, que eu, galeguista nato, opoñereime a calquera entendemento político con eles, porque non creo na forza dos seus sentimentos patrióticos nin estou disposto a deixarme convencer con adous de vidro.

* * * * *

Quixera compor eiqui longas parrafadas para demostrar que os escrpos de carácter social e relixioso que agora sinten os chamados "galeguistas de dereita", xurdiron despois do desastre electoral e por influencias exteriores. Quixera demostrar como a fuxida de algúns galeguistas obedece máis que a diferencias políticas a comodidades persoais. Quixera demostrar que a teima secesionista foi provocada pola fervenza reaccionaria que baixou da meseta castelán. Quixera demostrar que os galeguistas que se arredan de nós coa intención de amingoar a nosa forza poñen a Galiza por debaixo de outros intereses, que nin tan siquiera son espirituais. Quixera demostrar que un galeguista verdadeiramente cristián non ten porque arredarse do noso partido, nin para salvar a nosa Terra nin para salvar a súa alma. Quixera demostrar que esas "coincidencias fundamentaes de orde ideolóxico" que eles invocan para un entendemento político, son xustamente as que nos arredarán sempre.

Eu podería demostrar todo eso con tanta lóxa como á que empregan os "galeguistas de dereita" no seu enxeñoso manifesto; pero con máis emoción e menos artificio. Non-o fago porque aínda non se consumou a fazaña.

De todos xeitos abonda co dito para que ningún crea que se trata de unha norma de táctica política para ensanchar a base do galeguismo pol-os dous extremos. Non; a política do galeguismo correspóndelle enteiramente ao noso Partido, a non ser que xurdise outro máis avanzado no senso nacionalista e con opinión dabondo para facerse respetar. Non nego a necesidade dunha escisión do Partido Galeguista na hora en que a nosa Terra conquire os seus anceios mínimos de liberdade; pero nego a comenencia de facelo agora, e aínda que o galeguismo acordase neste intre formar dúas forzas de signo contrario, sempre contaríamos con homes máis firmes para erguer bandeiras e facer chamadas.

Chegou i está a venda

RETRINCOS

Prezo: \$ 0.85

de CASTELAO



Pra "O IRMANDINO"

Envío: A Madeleine Dujardin, xentil gascona que estivo na Galiza contaxiándose de saudade.

Que ten a ruliña
que arrula tristeira,
cobixada ant'os verdes ramallos
que cruben o céspe da campaña meiga,
onde o sol, compracido e amante
seus ouros refrexa
Quen sabe que dores,
quen sabe que penas,
Quen sabe que tristes, que fondas soe-
á ruliña aqueixan [dades,
Seus arrulos tristes e brandos
a i-alma me chegan,
i-o corazón me firen, tamén aqueixado,
de males d'ausencia.

Quen poidera dar doces consolos
á rula tristeira
qu'arrula escondida ant'os verdes ra-
mallos
que cruben o céspe da campaña meiga.

Quen poidera á ruliña queixosa
librala de penas,
Que do vento nas alas se foran
as miñas i-as d'ela.

M. GARCIA BARROS.

A UN MOZO GALEGO DENDE CORNUALLA

Pra "O IRMANDINO"

Teño de te prisar na miño onda de luz
atal que a min agora prisa o faro de Eckmühl.
Quero que sejas tí o que eu ja non hei ser:
lume na noite, estrela no mênser,
ave no ermo, canto no mar maior,
singular mareante por todo, inmenso amor...

Teño de te apreijar no meu feije de luz
atal que a min agora o albo faro de Eckmühl.
Quero que leves tí o que eu jo n-hei levar:
alboradas no peito e nos ollos luar;
no extrano espírito alcreso ilusión de ilusións
e o corazón deitando celme de corazóns...

¡Ah, sí! Hate apañar miña fouce de luz
atal que a min agora a do faro de Eckmühl.
¡Todo pra que conquiras o que eu -n-hei conquistar!
Antre o enjamio dos astros a Patria do porvir;
unha Galiza plena, sensitiva e vital
nun planeta senlleiro todo limpo de mal!

F. Bouza-Brey.

En Penmarch, Armórica, 1933.

F U C H I C A D A S

Según nos informou o telégrafo, fai poucos días, visitou a "colonia galega" o xefe do goberno hespañol D. Ale "O Entregador".

O viaxe, dende Madrí, fixo en avión, quizabes pra non reparar n'isas "cativezas" que lle houbera deparado oviaxe en auto, como sere homes, mulleres e nenos espidos, con fame de pan e de xusticia, en que teñen sumido o pobo galego, os colonizadores hespañoles.

Depois da súa chegada trunfal a Nosa Terra—e súa colonia que e—e d'unha porpaganda feita con bombo e prutillos polo xormal do ex-galeguista—e seu ministro—Portela Valladares, fixo a súa presentación na praza de touros de Pontevedra a comparsa de titiriteiros radicaes, co seu paiaso maor ofrente—nomeamos a D. Ale "O Entregador"—e coro de contrabandistas co xefe Emiliano Iglesias. Hoube descurros e promesas, total... mentiras, mentiras.

E o pobo galego seguirá arrasando a súa miseria, na mentras non sacuda o xugo que o ata o carro centraista.

Fai poucos días reaizouse a volta a Hespaña en avión. Isto naturalmente non tería ren de extraordinario, salvo o seu carácter deportivo. Pro, o caso e que, temos o gráfico a vista, e os orgaizadores, tiveron bo coidado de non incurrir a Galiza no roteiro a seguire. Alguns mal intezoados pensan que iste e un desprezo que selle fixo a nosa patria, pro nos debemos aclararlles que non hai tal cousa pois a proba deportiva era: "A volta a Hespaña en avion" así craro e terminante, iles terían dreito a queixarse si se orgaizase a volta a Hespaña e suas colonias. Pois inda alguns siguen creendo que a Galiza forma parte de Hespaña, e non e esi habemolo repetir hastra o cansancio: Galiza e unha colonia e será namentras o pobo galego non esperte do sono de morte en que o sumiron os gobernantes centrais-tas.

Estivo en Pontevedra o Orfeón Lusitano do Porto ao que acompañou o alcalde de aquela cidade.

Foron agasallados por diversas representacións de sociedades pontevedrenses. Pero non se viu por

ningures nin ao alcalde nin ao Gobernador.

Non se viron pola sinxelísima razón de de que o mesmo día marcháronse a Ourense para asistir... a unha corrida de touros.

¿Quérese proba máis clara dos modos que imperan dende que manda o emilianismo?

Os rapaces que fai anos se distinguían dos máis habitastes polo baston e bigotiño c'os caracteriza-ba ridiculamente como "daboa sociedade", andan agora a xugar o fascismo.

E dispostos a que non pase desapercibida a súa nova profesión de "militares" de "postín", fixeron un barullio que motivou unha visita de tan terribes rapaces, a cárcel.

Puxéronnos axiña en liberdade, pois para iso o seu xefe e ministro da Guerra.

Si foran republicáns ou socialistas, terían pra unha boa temporada.

O tenientes estranxeiro da Lexión radical-cedista, (queremos decir Estranxeira) foi condena-

do a seis meses de prisión por dar morte o periodista madrileño, Sirval.

O fiscal que tivo o seu cargo a acuxación de tan irascibel oficial, falou eisantemente igual c'o defensor. Hastra os ollos se lle encheron de bágoas, pois sostivo c'o Ivan —eisi se chama o teniente dos bárbaros— en un bón rapaz, e que obrou en defensa dum compañeiro.

Sirval estaba preso e sin armas, do que deducimos c'os oficiales da Lexión son *moi coraxudos*.

Dícese c'os radical-cedistas, pensan concederlle o patreóta Ivan, a "cruz o mérito" pola súa valentía. Todo e creibel, ¿Acaso non-o fineron embaixador de México o ocontrabandista Emiliano Iglesias?

Os nosos colaboradores

A todol-os irmans de Galicia que desintresadamente responderon co seu aporte espiritual o noso pedido de colaboración pra iste número extraordinario do IRMANDINO vai o noso sinxelo recoñecemento.

Tupí-Nambá

Adírese a Gran Diada Galega

F. San Roman e hijos

18 de Julio, 976

Juncal, 1311